

鄧字伯袖秦大夫九代譽秦舍人十代產項羽聘  
不受十一代墨字世仁漢大夫十二代愚漢卿士  
十三代達漢大夫十四代稗字季達漢武帝時尚  
書郎會稽都尉十五代忠郡工曹從事鞏令十六  
代凱字季卿張禹薦于朝爲安成太守十七代邃  
字景深郡上計吏十八代龠字茂宗州舉茂才十  
九代縛字參道爲太守二十代準始仕爲從事復  
高尚不仕二十一代阮字懷珎舉有道爲著作郎  
二十二代亮字世明爲郡督郵見冀州刺史王統  
碑二十三代敷字士榮州舉茂才至御史大夫生  
子二斐盛二十四代斐尹京兆有善政生子二魯  
歡俱無後而以盛爲宗盛字叔臺一字叔震漢尚  
書郎魏歷青徐二州刺史關內侯始自魯國徙居  
瑯琊臨沂代傳孝恭因號其居爲孝第里葬臨沂  
縣西七里今屬費縣二十五代欽字公若歷東中  
郎將司馬大中大夫東莞廣陵太守給事中引直  
禁省封葛繹縣子謚曰貞二十六代默字靜伯汝  
陰太守護軍將軍給事中襲葛繹縣子生子三畿  
輦舍長次無後二十七代含字弘都少有操行以  
孝第聞本州辟不就東晉元帝初鎮下邳命爲叅